

Kingusinnerpaamik 1. januar 2017 aallarnerfigalugu ukiuni tallimani misiligummik teriannissat, tulukkat naajallu eqqissisimatinneqarunnaarallarnissaat pillugu Naalakkersuisut peqquneqarnissaannik Inatsisartut aaliangiiffigisassaattut siunnersuut. Misileraanerup naareersimalernerani misileraanerup kingunerisaasa sunniutai pillugit nalilersuiffignerat saqqummiunneqassalluni, ilaatigut eqqissisimatitsinerup atorunnaavissinnaanera pillugu nalilersuisoqassalluni.

(Inatsisartunut ilaasorta, Anthon Frederiksen, Partii Naleraq)

Akissuteqaat

(Aalisarnermut Piniarnermullu Naalakkersuisoq)

Aappassaaneerneqarnera

Matumuuna Naalakkersuisut sinnerlugit Eqqissisimatitsinermut Avatangiisinullu Ataatsimiititaliaq isumaliutissiissuteqarneranut qutsavigaara.

Siullermeerneqarnerani Naalakkersuisunit nassuiaatigineqarpoq inatsisit atuuttut periarfissinerat. Naalakkersuisut isumaat suli tassaavoq inatsisini atuuttuni ullumikkut timmissat teriannissallu nalimmassarneqarsinnaanerat periarfissaareersoq, sumiiffinni ajornartorsiorfiusimasinnaasuni. Ilaatigut taaneqartunut piffissat piniagaaffiit pillugit aalajangersakkanut immikkut akuersissuteqarnissamut periarfissaqarpoq. Tamanna nersutit nakorsaqaarnikkut, ilisimatusarnikkut aamma ilinniartitaanikkut tunngasutigut pisoqartillugu, kiisalu attaveqaateqarnikkut timmisartukkullu angallanneq isumannaatsuutinniarnani.

Naalakkersuisut timmissat pillugit nalunaarut nutartersimavaat, taannalu ukioq manna januarip tallimaani atuutillerpoq. Tassani Mittarfeqarfiit imaluunniit kommuni sumiiffinni timmissanik pineqartunik akornusersuippata, manniinik katersinissamut aamma uuliamik tukersinnaajunnaartussanngorlugit serpartarneqarnissaannut periarfissat erseqqissarneqarput, tamannalu ajornartorsiutip minnerulernissaanik periarfissiisaaq.

Siullermeerneqarnerani oqaatigineqarpoq aamma teriannissat tulukkat naajallu uumasogatigiit amerlammata siammarsimallutillu, ukioq naallugu nalinginnaasumik piniarneqarnerat uumasogatigiinnut malunnartumik sunniuteqarnissaa qulakkiivillugu oqaatigineqarsinnaanngitsaq. Pinngortitaleriffiup taamaallaat kajumissaarutigaa piniarnissamut inerteqqut sumiiffinni aalajangersimasunuinnaq atorunnaarsinneqassasoq, piffinni aalajangersimasumik ajornartorsiorfiusuni, tassa savaateqarfinni aamma Kitsissunnguani, tamannalu Naalakkersuisut tapersersorpaat.

Naajat tulukkallu ajornartorsiutaanerisa aaqqiivigineqarnissaannut eqqakkanik pitsaaneruumik passussineq aqcutissat ilagimmassuk innersuussutigeqqissavara, tassami sumiiffimmiit sumiiffimmut eqqakkanik passussineq allanngorartorujussuummat.

Ataatsimiititaliaq isumaqatigiittoq innersuussuteqarpoq Naalakkersuisut kaammattorneqasasat teriannissat pamiuisa aammalu tulukkat naajallu isigaasa tunisaanissaannut aqcutissiuunnissaannut misissuinissaat.

Naalakkersuisut malugeqqussavaat eqqakkat ajornartorsiutaaneranut atatillugu teriannissat pamiuisa aamma tulukkat isigaasa tunisaanissaannut periarfissaq kommunit susassaqar-

figimmassuk. Taamaattumik Namminersorlutik Oqartussat pineqartut tunisaalernissaannut kommunit pisussaaffilersinnaangilaat siunertamut aningaasaliiffiginissaanut tunngasut isumannaarneqartinnagu. Ataatsimiititap isumaliutissiissutaata tiguneranit piffissaq sivikit-sinnaammat tamanna pillugu kommuninut tusarniaanissaq periarfissaqarsimanngilaq.

Najukkani teriannissanik, tulukkanik naajanillu peqassutsimut aqutsisinnaaneq malerua-gassani maanna atuuttuusut iluini periarfissaareerneru innersuussutigalugit Naalakkersuisut aalajangiiffigisassatut siunnersuummut saqqummiunneqartumut Inatsisartut akuersaassanngitsut inassuteqaateqarput.

Taamatut oqaaseqarlunga siunnersuut Inatsisartunut oqaluuserisassanngorlugu ingerlateq-qippara.